

jerbal etiljek ilo jabrewöt men eo kwoj kōmōne ñōn ro rej jimjān jimjāten im drua maijet;

6 Ro r'ar kennan kin am yokwe iman mejen eklisia, im elañe kwoj kowōnmanlok ir ilo air etal ekar ñōn Anij, e naj emōn am kōmōn:

7 Bwe kin Āt eo, r'ar ilok im jab bōk jabrewöt jen ro dri pegan.

1 Kor. 9. 12, 15.

8 Inem emōn jen jibōñ ro rej eirwöt, bwe jen dri jerbal ibeir ñōn mol.

9 I ar jeje jet nan ñōn eklisia ne: a Diotrepis, eo ej kōnan bwe en iroi j ioir, e jab bōk kim.

10 Kin men in, elañe ij iwij, I naj kememej jerbal ko ej kōmōnmōni, ke ej konono nae kim nau ko renana: im e jab jokōne kin men ke in, a e jab bōk jimjān jimjāten,

im ej bōprae ro rej kōnan, im jolok ir jen eklisia.

11 Kwe jitenburu, kwon jab ka-jeōfiwe eo enana, a eo emōn. Eo ej kōmōn emōn e jen Anij: eo ej kōmōn nana e ar jab lo Anij.

Isa. 1. 16, 17. 1 Pit. 3. 11. 1 Jon 2. 29. & 3. 6.

12 Ro otemjej, kab mol, rej kennan kin Demitriōs; aet, kim bareinwöt kennan, im kwo jela bwe am kennan emol.

Jon 21. 24.

13 Elōñ men ko r'ar iba bwe in jejewoj ñōn kwe, a I jab kōnan jeje kin iñk im pen:

2 Jon 12.

14 A ij kōtōmene bwe in lo yuk mōkōj, im jen konono jelmæ dron. Ainemōn ñōn kwe. Ro jerar rej yokyokwe yuk. Kwon yokyokwe ro jerar kaju kin etair.

## LETTER AN JUD.

**JUD**, korijeran Jisōs Kraist, jein im jātin Jemes, ñōn ro ar kir ir, ro jitenburu ilo Anij Jemer, im ro kejbārok ir ñōn Jisōs Kraist:

Luk 6. 16. Jerb. 1. 13. Jon 17. 11, 12, 15.

1 Pit. 1. 5. Rom 1. 7.

2 Tiriamokake ñōn kom, im aine-mōn kab yokwe en lōñlok.

1 Pit. 1. 2.

3 Kom jitenburu, ke I ar kaiur iō bwe in jejewoj ñōn kom kin men in lomorer, e ar walok ñōn iō bwe emōn in jejewoj im kowe kom, bwe komin kate kom kin tōmak eo em-wij lelok ñōn rokwojarjar alen wöt juōn kin otemjej.

Pu. 1. 27. 1 Tim. 1. 18. & 6. 12. 2 Tim. 1. 13. & 4. 7. Tait. 1. 4.

4 Bwe jet armij r'ar dreloñtok ilo etino, im eto ar jeje kin ir ñōn lia-kekel in, ro renana, rej ukot joij an ar Anij ñōn ejej, im karmijete juōn wöt ar Karo, im Iroi j, Jisōs Kraist.

Gal. 2. 4. Rom 9. 21, 22. 1 Pit. 2. 8. Hib. 12. 15. Tait. 1. 16. & 2. 11. 2 Pit. 2. 1, 10. 1 Jon 2. 22.

5 Ak I kōnan kakememej kom,

318

meñe kom jela men otemjej alen wöt juōn kin aolep, ekijkan an Iroi j, ke E ar lomoren armij rōn jen Ijpt, ar kokkure ro r'ar jab tōmak.

1 Kor. 10. 9. Jerb. 14. 29, 37. & 26. 64. Sam 106. 26. Hib. 3. 19.

6 Im enjel rōn, r'ar jab kejbārok air utiej, a r'ar illok jen jikiir, Ej kejbārok ir, ñōn ekajet eo an ran elap, ilo kworōk ko in drio iomin marok.

2 Pit. 2. 4.

7 Einwöt Sodōm im Gomorra im jikin kwelok ko iturir, ke r'ar lor ejej eirwöt, im ilok im bukot kōniek eo juōn, emwij likit ir juōn men in kowe, im rej ber ilo iren-wōne ñōn kijeek in drio.

Jen. 19. 24. Dut. 29. 33. 2 Pit. 2. 6.

8 Ijoke ein drein armij rein ilo tōnak ko air rej kabrijrij kōniek, im kejekron kajar in iroi j rōn im konono nana nae wuj ko.

2 Pit. 2. 10.

9 A Maikeel arkenjel eo, ke e ar

jumae devil im aituerōk kin enbwin  
nin Moses, e ar mijōk in konono  
nae im ekajete, a e ar ba, Iroj en  
bōprae yuk.

Dan. 10. 13. Rev. 12. 7. 2 Pit. 2. 11. Zek. 3. 2.

10 A rein rej kajirere nae men ko  
jabrewōt re jaje kaki, im jabrewōt  
men ko re jela kin air ber im mour,  
einwōt kuru ko re bwēbwe, ilo men  
kein kokkure ir.

2 Pit. 2. 12.

11 Wo ñōn ir! bwe r'ar etetal ilo  
ial an Kein, im r'ar kanuij etōr ilo  
bwir an Beleōm kin wōnan, im r'ar  
joko ilo matōrtōr an Kora.

1 Jon 3. 12. Bwin. 22. 7, 21. 2 Pit. 2. 15.  
Bwin. 16.

12 Ir rej ejman ko retino ilo ami  
kwojkwoj in yokwe ko, ke rej  
kwojkwoj ibemī; rej šeperd ro re  
jab mijōk im mōke najirik ir; rej  
kōro ko im ejelok dren iloir, a kōto  
ko rej bioklok; rej wijki ko re ji-  
burikrik im ejelok leir, remij otem  
mij, emwij kōtepi jen okrair;

2 Pit. 2. 13. Pro. 25. 14. Ep. 4. 14. Mat.  
15. 13.

13 No ōn lometo relej rej lijemōr-  
mōr men in air jok; iju ko rej je-  
bwābwe im emwij likit ñōn ir ka-  
bin marok in drio.

Isa. 57. 20. 2 Pit. 2. 17.

14 Im bareinwōt Iuōk, armij ken  
ka jiljillimjuōn jen Adam, e ar dri-  
kanij, im ba, Lo, Iroj e ar itok  
iben joñoul tausān ko An rokwo-  
jarjar,

Jen. 5. 18. Dut. 33. 2. Dan. 7. 10. Zek. 14. 5.  
Mat. 25. 31.

15 Bwe En kōmōn ekajet ñōn ro  
otemjej, im naruōn ro dri nana  
otemjej, kin jerbal nana otemjej air  
r'ar kōmōnmōni ilo nana, im kin  
men ko otemjej rebin dri jerawiwi  
renana r'ar konono nae E kaki.

1 Samuel 2. 3. Sam 31. 18. Mal. 3. 13.

16 Reiu rej dri lotan, im dri wanō-

ketak, rej etetal ekar ñōn mōm ko  
air renana (im loñir re ba nan ko re  
burollap), im rej kaljiklok armij  
rōn kin wōnan.

2 Pit. 2. 18. Jen. 2. 1.

17 A komeo, ro jitenburu, komin  
kememej nan ko ro dri jilik an ar  
Iroj Jisōs Kraist r'ar ba mokta;

2 Pit. 3. 2.

18 Ekijkan r'ar ba ñōn kom bwe  
ilo ien eliktata e naj or dri kajirere  
rej etetal ilo air mōm ko renana.

1 Tim. 4. 1. 2 Tim. 3. 1. 2 Pit. 3. 3.

19 Ir rej dri kijbil, dri jālik, im Ji-  
tōb e jab ibeir.

Pro. 18. 1. Ezek. 14. 7. Hos. 4. 14. & 9. 10.  
Hib. 10. 25. 1 Kor. 2. 14.

20 A komeo, ro jitenburu, komin  
mōke kalek kom ion ami tōmak  
ekwojarjar otem kwojarjar, komin  
jar ilo Jitōb Kwojarjar,

Kol. 2. 7. 1 Tim. 1. 4. Rom 8. 28. Ep. 6. 18.

21 Im kejbārok kom ilo yokwe an  
Anij, im komin kōtōmene kin ti-  
riamokake an ar Iroj Jisōs Kraist  
ñōn mour in drio.

Tait. 2. 13. 2 Pit. 3. 12.

22 Im komin tiriamokake jet ro  
rej berre;

23 Im jet komin lomorir im kwo-  
tak ir jen kijeek; im jet komin  
tiriamokake ir ilo mijōk, im jōjōik  
nuknuk ko elañe emār kin kō-  
niek.

Rom 11. 14. Amos 4. 11. Zek. 3. 2, 4, 5.  
1 Kor. 3. 15. Rev. 3. 4.

24 A ñōn Eo ej maroñ in kejbā-  
rok kom jen buñ, im kajutōk kom  
iman mejen wuj eo An ilo lōñliñ  
potata im ejelok notami,

Rom 16. 25. Ep. 3. 20. Kol. 1. 22.

25 Ñōn juōn wōt Anij eo Dri Lo-  
morer, kin Jisōs Kraist ar Iroj, en  
aibujuij, utiejtata, maroñ potata im  
kajur, mokta jen ien otemjej, im  
ien in, im in drio. Amen.

Rom 16. 27. 1 Tim. 1. 17.